



REPUBLIKA E SHQIPËRISË
UNIVERSITETI I ARTEVE
REKTORI

Nr. 917 Prot.

Datë 11/07/2024

URDHËR

Nr. 99, datë 11/07/2024

MBI

“MARRJEN E MASAVE ORGANIZATIVE PËR ZBATIMIN E URDHËRIT TË PËRBASHKËT NR. 112, DATË 05.07.2024 “PËR MIRATIMIN E KALENDARIT PËR PROCEDURAT E APLIKIMIT DHE TË REGJISTRIMIT NË INSTITUCIONET E ARSIMIT TË LARTË, PËR VITIN AKADEMIK 2024-2025”, NË UNIVERSITETIN E ARTEVE

Bazuar në Ligjin Nr. 80, datë 22.07.2015 “Për Arsimin e lartë dhe Kërkimin Shkencor në Institucionet e Arsimit të Lartë në Republikën e Shqipërisë”, Vendimit të Këshillit të Ministrave Nr. 436, datë 03.06.2020 “Për përcaktimin e kriterit të notës mesatare për pranimin e kandidatëve në programet e studimeve të ciklit të parë dhe në programet e integruara të studimeve të ciklit të dytë ose transferimin e studimeve në vitet e ndërmjetme të këtyre programeve, në Institucionet e Arsimit të Lartë, për vitet akademike 2020-2021 dhe 2021-2022 e në vijim, i ndryshuar dhe të Udhëzimit Nr. 12, datë 30.06.2023 “Për procedurat e aplikimit dhe të Regjistrimit në Institucionet e Arsimit të Lartë”,

URDHËROJ:

1. Ngritjen e grupit të monitorimit të zhvillimit të konkurseve të pranimit, në Universitetin e Arteve, për vitin akademik 2024-2025, me përbërje si më poshtë:
 - Prof. Arian Paço
 - Znj. Suela Kromidha
 - Znj. Edlira Isak ✓
2. Konkursët e pranimit për të gjitha programet e studimit të ciklit të parë, Bachelor, të ofruara nga Fakultetet e UART do të zhvillohen **nga data 19 Gusht 2024 deri në datën 23 Gusht 2024.**
3. Administruesi i UART, për sistemin e Portalit U – Albania (Përgjegjësi i Sektorit të IT) të marrë masa që **brenda datës 06 Gusht 2024**, të shkarkojë nga Portali U – Albania listën e kandidatëve që konkurrojnë në programet e studimit të ciklit të parë, Bachelor, të ofruara nga UART dhe tua përcjellë Sekretarive mësimore për secilin Fakultet si dhe ti publikojë në faqen zyrtare elektronike të UART, sipas përcaktimeve ligjore.
4. Sekretaritetë mësimore të Fakulteteve të UART, **brenda datës 07 Gusht 2024**, ti afishojnë në mjediset e Fakulteteve listën e kandidatëve për konkursët e pranimit 2024-2025.
5. Regjistrimi i konkurrentëve për në konkursët e pranimit në programet e studimit të ciklit të parë, Bachelor, në të gjitha Fakultetet e UART, për të gjitha programet e studimeve të ofruara, bëhet pranë Sekretarive mësimore, dhe **fillon në datën 12 Gusht 2024 nga ora**

08:00 deri në orën 16:00 dhe përfundon në datën 19 Gusht 2024. Konkurrentët të regjistrohen deri në ditën dhe orarin e përcaktuar nga secili Fakultet për fillimin e konkurseve të pranimit.

6. Dokumentacioni për tu regjistruar në konkurset e pranimit është:
 - Mandati i pagesës së tarifës së konkurrimit.
 - Fotokopje e kartës së identitetit ose të pasaportës.
7. Regjistrimi pranë Sekretarive mësimore të Fakulteteve të UART, bëhet nga vetë konkurrenti ose nga një person i autorizuar prej tij/saj, me prokurë të posaçme.
8. Kanë të drejtë të regjistrohen për në konkurset e pranimit të ciklit të parë, Bachelor, vetëm kandidatët sipas listës së shkarkuar nga portali U-Albania.
9. I gjithë kalendari i procedurave do të bëhet në zbatim të Urdhrit të përbashkët Nr. 112, datë 05.07.2024 “Për miratimin e kalendarit për procedurat e aplikimit dhe të regjistrimit në Institucionet e Arsimit të Lartë, për vitin akademik 2024-2025”.
10. Të afishohen në mjediset e secilit Fakultet të UART, Urdhrat/Vendimet mbi masat e marra për konkurset e pranimit, Rregulloret dhe kriteret e konkurseve të pranimit, si dhe çdo procedurë tjetër të nevojshme për këtë proces.
11. Strukturat përgjegjëse të secilit Fakultet të marrin masat e nevojshme për zhvillimin e konkurseve të pranimit si dhe ndjekjen me përgjegjësi të afateve të përcaktuara sipas etapave të zhvillimit të konkurseve, ngarkimin e listave në portalin U-Albania **brenda datës 25 Gusht 2024** si dhe të procedurave të regjistrimit të kandidatëve/studentëve deri në përcjelljen e tyre për numër matricullimi në zbatim të kalendarit të Urdhrit të Përbashkët Nr. 112, datë 05.07.2024.
12. Sektori i Sallave dhe Shërbimeve Mbështetëse si dhe Fakultetet në UART të marrin masat e nevojshme për përgatitjen e ambienteve në të cilat do të zhvillohen konkurset e pranimit për të gjitha programet e studimit.
13. Ngarkohen për zbatimin e këtij Urdhri anëtarët e grupit të monitorimit; Administratori i UART; Dekanët e Fakulteteve të UART; Përgjegjësit e Njësive bazë të Fakulteteve të UART; Sekretaritë mësimore të Fakulteteve të UART; Drejtoria Ekonomike e UART; Drejtoria e Burimeve Njerëzore dhe Informacionit, Statistikave, Juridike dhe Protokoll Arkivës; Drejtoria e Bibliotekës së UART; Sektori Mësimor dhe i Kurikulës, Informimit dhe Këshillimit të Studentëve, Alumni; Sektori i Teknologjisë së Informacionit; Sektori i Statistikës; Sektori i Sallave dhe Shërbimeve Mbështetëse dhe çdo strukturë tjetër në ndihmë të këtij procesi.
14. Të njoftohet për marrjen e masave të veçanta për administrimin dhe ruajtjen e ambienteve të UART, për periudhën e konkurseve, shërbimi i ruajtjes dhe sigurisë fizike ILLYRIAN GUARD.
15. Ky Urdhër të shpallet në faqen zyrtare të WEB-it, të Universitetit të Arteve

Ky Urdhër hyn në fuqi menjëherë

Prof. Kastriot ÇAUSHI

